

خزنده محاکمه

چهارشنبه

نومرو	محرم	سنه	تموز	سنه	صفحه
۷۲۴	۲۶	۱۳۱۱	۲۸	۱۳۰۹	۱۰۷۰۱

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخهمی ینه مجیدیه یکر می غروش اولق اوزره یوز پاره به هر یرده صاتیلور . درج اولنه جق)
 (اعلاناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائرة سنده کائن جریده محاکم اداره سنه مراجعت ایلملیدر)

وکره کلی زیر ارك بر مأموریتی اولدیغنی بیلیوب انجق
 شکرچی یعنی جی دلکیان اغوبك ژیراره بر مکتوب یازدره .
 وئك مناسترینه کتسون اندون رشتونی ایله کور شسون
 دیسیله کندوسنك مرقوم ژیراره اوپولده بر مکتوب
 یازدیغنی وائك اوزرینه مرقومك مناستره کیدوپ
 رشتونی ایله کور شمش اولدیغنی واندون رشتونینك
 صفقی مرزیفوندن تصدیق اولندقدن صکره مخابره
 ائك واسطه سیله اجرا اولمش اولدیغندن مذکور
 یافتلرک مرزیفوندن نه صورتله کلدیکنی کندوسنك
 بیلیدیکنی وانجق مذکور یافتلرک یوزغاددن کیچه .
 جیان میساق امضالی کلان مکتوبله کلدیکنی ایشتمش
 واولوجهله مذکور بیاننامه ده یازلش ایدوکنی

(انقره ولایتی استیناف محکمه سی جزا)
 (دائرة سندن اعطا اولنوب بوکره محکمه تمیز)
 (جانبندن تصدیق قلنان برقطعه اعلام ضبطنامه)
 (سنك بروجه زیر مابعدی)

وافكرهلى جوانيان ماردىروسك خانه سنده اندون
رشتونى مسافر اولمش اولديغنى و مرزيفوندىن كلان
قرار و تعلقاتلارده شركت فساديده نك اختلال
وخرسزلىق چتهلرك بولمىسى بولمىسى بولمىسى
باشلانامش وانجق تالاسلى اولديغنى ايشتيديكى
پانوس و ميساق و ميرجان ايله نيزهلى بغوص واشجى
پارسى اوغلى كلبنكك شركت فساديده نامنه كندى
منفعت ذاتيه لرى ايچون برشقاوت چتهسى ترتيب
ايله زنجى درده سيمون اوغلارنىك وتولسونده
تقوليوس افنديك وتلاسه ملكون اوغلى خىچاطورك
خانه لرينه كيروب معامله جبر و شدت اجراسيله
برطاق ماللرى اخذ و غضب و خىچاطورك زوجه سنى
اخلاق ايدرك مزبورده نك تلف اولديغنى ايشتمش
و كندولرى بولره اراثة تشويقات ايتيوب
مرقومك جرملىرى اندون رشتونى به سويللر ايله
مرقومدن طومش ايدوكنى و اموال مغصوبه دن
قيصرىه شركته هيج برشى داخل اوليوب تالاس
شركته برشى و يرلمش ايسه اندن معلوماتى
بولما ديغنى ورشتونىك قيصرىه كلد يكنده
جواز كويلرك قيصرىه به و قيصرىه نك ده مرزيفونده
تابع اولمىسى قرارلشديرمش ايسه ده اجرا تته هنوز
باشلانامش وجعيت فساديده قرار نامه سيله اشقيا
چتهلرى ايچون بر رات بولنديرلمى و ديناميد
باروتسندن معمول كلهلرك بر مجيديه و بر چاريك

ايشتيديكى و كندوسى مرزيفوندىن كلان محرراقى
دو كه جيان پارسى والاچه جيان قره بت و جواهر
جيان روپنه و يرلمش اولديغنى اوراق وارده نك
اتلرك يندنه بولنديغنى و قيصرىه دن يازيلان مكاتبك
مسوده لرندن بعضيلرى جواهر جيان روپنه
و بعضي سنده دو كه جيان پارسى ده اولديغنى و كندو
سنگ يندنه شركت فساديده دائر خىچاقيان
غزته سيله نظامنامه وار ايدى سنده شركت فساديده
تلاسمجه اوج و يرديكنده كندولرينده سر ايت ايدر
ديو احراق ايلديكى حاوى اولديغنى اكلاشلمش
وبونك اوزرينه بئكار استجواب ايديلان متهلردن
اندون رشتونى مرقوم كيروپيه بلا كسه قريدهسى
ايچون بردقتر حاضر لاهسى حقتنه برشى سويليوب
پانوس و ميساق و كلبنك و ميرجانك تالاس و قيصرىه
جوارنده اجراى شقاوت ايتدكلرينه دائر وقوع
بولان مسموعاتى سويلش اولمىسى محتل ايدوكنى
و دو كه جيان پارسى ده كيروپيه يافته و يرديكى
و آرسين ايله شوارش حقتنه برشى سويلديكى
تخطر ايدمديكى كى يوزغادلى كچه جيان ميساقه
دائر كندوسنك برشى سويلنامش اولديغنى والاچه
جيان قره بت دى كيروپيه ايله قيايان نامنده قيصرىه ده
كىسه ايله كورشديكى وجى دلگيان اغوب دى
كندوسنك قيايان نامنده كىسه ايله كورشنامش

اولديغى كى اندون رشتونى ايله كورشى ختمنده
ثيراره مكتوب يازمى ايچون كيروپيه برشى سويلديكى
و پاپاسيان مغردى دى كندوسنك كيروپيه ايله اخذ
واعطايده دائر اخباره سى وار ايدى سنده اخبارات فساديده دن
خبرى اولما ديغنى و عربى جى اوخانس دى برقاچ دفعه
كيروپيه دن مغردى و مغردى كى كيروپيه به م مكتوب
كتيوب كوتورمش ايسه ده نيه دائر اولديغنى و قوف
و معلوماتى اولما ديغنى تقرير و ماماس و ارزومان
اوغلى اوخانس دى رشتونى ايله برابر بلا كسه به
عزيمت و بلا كسدن عودتلىرى تصديق و جواهر
جيان روپن دى ارزومان اوغلى اوخانسك
مرزيفوندىن عودتنده مرقومك مبعوث انتخابندن
طولاي توپى حاوى بر مكتوب كلى و قيصرىه ده
شركت آدملىرىك احواليله سلاح و باروت سپارشته
دائر مرزيفوندىن النان مكاتبه جوا بيازمش و يائتهلرك
قيصرىه دن كچه جيان ميساق امضالى مكتوبله
كلديكى و پاپاسيان كيروپيه نك مرزيفونده واسطه
خبايره سى پاپاسيان مغردى دى ايدوكنى ايشتمش ايسه ده
اولبايده معلومات قطعيه سى بولنديغنى و طومه يان
قره بت و قيايان اوخانس ايله كچه جيان ميساق دى
مىروقات سابقه لرى بالتكرار اوتنه كينك بروكنك
روايت و استماع اوزرينه عليه لرند و قوعه كلان
اخبارلرىك كندولرينه قانونا بركونا تاثيرى اوله

میه جنتی تذکار ایله کتریندن صکره اوراق دعوی
میاننده بولنان مہملردن طومہ یان قرہ بته انکلتزده
بولنان زوجہ سی مادام لویس طرفندن وارد اولمش
اولان ۱ کانون ثانی ۱۸۹۲ تاریخلو مکتوبک مصدق
ترجمہ سی دخی قرائت و مطالعہ اولندقدہ مقدمہ سنده
« تأخیرندن تأسف ایدرم بوقدر مشغولیم واریدی که
تغیسنه باقیم یله یورم معافیہ بر آچیق قارت ایلہ
تأخیرمک سببی سزه بیلدیرمش ایدم سکسان اوچ
وسکسان درت وسکسان بش وسکسان التی
نومرولی تحریرات و اچیق مخابرہ لریکزدن متشکر
سکسان اوچ نومرولی بر اچیق مخابرہ قارتی ایدی
چوق اچیق مخابرہ لی یازمه زیر یازدینک شیلری
مکتوبہ بیلدیرسین » عباراتی و بر فقرہ سنده « برینک
وفاتندن و وفات ایدنجیه قدر یاننده ماری نامنده برینک
وجودندن بختله حیاته ایکن کندوسی بوقدر ایو
ایدیکه وفات ایدنجیه قدر سوداسی کچمدی لکن
مرزیشون ایچون ماری اوزرینه امید ایتمالی ظن
ایدرم شوخسته خانه مسئلہ سی ایچون زوجارہ
افکارلرینک نہ یولده اولدینی بیان ایدم وخسته
خانه ایچون چوق آدملر مشاورہ ایلدی بعضیلری
بو مسئلہ میدانہ کلہ من و بعضیلرینہ بونی تحسین
ایده یورلر موسیو درلسد بر قچ دفعہ دیدی که
شمدی یه قدر برقادین کورمدم که بنم یاپدیغمی یاپہ
بیلسون بنم اقر بالرمک دیدیکنه کلنجہ سزه دیه بیلورمکه

بر طرفدن بنم یاپدیغم شیلری اقر بالرم طویامیورلر
لکن یاپدیغمده بشتہ لری عقللری ایدریرہ میورلر
یعنی حیرتده قالیورلر » و دیگر بر فقرہ سنده دخی
« بہمه حال مذکور خستہ خانہ ایچون بکایضاحات
ویرمیسین اکلایہ میورم نہ ایچون صوک مکتوبلرنده
سکوت کچورسین قورقورمکه التندہ برشی اولسون
رجا ایدرم بوباندہ بکا معلومات ویرکہ بندہ انکلتزہ
اھ الیسنه معلومات ویریم شباطک برندنہ بر ویر
قچ نطق ایچون اون رعدہ بولنه جغم صکرہ دن
یول اوزرنده بولنان بر قچ قضالره اوغرایوبینہ
کیروکلوب نطق ایتک ایچون لوندرہ یه کیدہ جکم
ترکیادہ اولان عادت یعنی مکتوبلرک بالاسندہ
تاریخ قویق بونی سکوت کچوردیکمی مکتوبلرک
نقصان تاریخنددر امریقالیلردن بکا معلومات ویر
« می » مرزیشونده قالہ جقمی قالیہ جقمی نہ دوشندی
ونہ یه قرار ویردی موسیو هرک لوندرہ یه کتدی
مطالعہ لری نہ یولده در هپی لکن بولری بکا اچیق
مخابرہ قارتلرنده یازمه و ترک بوللرنده کوندرمکی
اونومہ برده بنم نطقی القیش ایتدیلر لوندرہ دده
بونطق ایچون سویلندی ایدی وانکلتزہ ده صلح
قونغر سیدہ بکندی کلہ جک سنده عموم صلح قونغرہ سی
شیقاغو سرکیسنده بولنه جقدہ ۲۰ بارون برودت
ایچون سن بکا سویلیدی ایدک دینک ایدیکه بوبارون
برند امریقاییہ کتدیکی وقت قرستیان غزتہ سی

دخی « اشته سکا بودفعہ اوزون بر مکتوب یازیورم
بومکتوبہ اوزون بر مدت ایچون اولوب انجق
ارہ صرہ اچیق قارتلر ایلہ معلومات ویریم چوق
دفعہ ایشک چوقلفندن کیچہ لری یازمغه مجبورم
کوندرلری ایسہ نطقلرک ترتیبی ایلہ مشغول و شورایہ
بورایہ ویزیتیدہ کیتکه مجبورم طبعیدر کہ بوقدر
چالشق بکا یورغونلق و یروب کوزلریمده تأثیر
ایدیور » عباراتک مرقم بولندینی اکلاشلش
وبونک اوزرینہ استجواب اولنان طومہ یان قرہ بت
دخی اشبو مکتوبک متضمن اولدینی اشعارات
ومطالعاتک زوجہ سیلہ مرزیشونده بر خستہ خانہ
تأسیس و انشاسی حقندہ کی تصورک صورت
اجراسنه متعلق و منحصر اولدینی تذکار ایلہ
اولباندہ کی افادہ مضبوطہ سی تفصیل و تکرار ایلدی
بونک اوزرینہ مدعی عمومی عارف بک مرقوم
طومہ یان قرہ بت حقندہ با تحریرات سامیہ ولایت جلیلیہ یه
ورود ایدوب کندوسنہ تودیع اولنان بعض مخابراتی
حاوی اوراقی مذکور تحریرات سامیہ و سیواس
ولایت علیہ سنک بر قطعہ تحریراتی ایلہ ارائه واعطا
ایتمکله بولردخی قرائت اولندقدہ فی ۲۱ شوال
سنہ ۳۱۰ و ۲۶ نیسان سنہ ۳۰۹ تاریخلیہ
مورخ و اون عددیلہ مرقم اولان تحریرات سامیہ نک
مندرجاتی مرقوم طومہ یان ایلہ رفقاسی حقارندہ

کوندرہ یم لکن کوندرمدم بوکی شیلر لزومسز
اولدیغندن شمدیک تبج ایدرمکه طایمورم دیورسک
کویا بوبارون حقندہ بیغزده بر سوز جریان ایتماش
کی یازیورسک پارہ ایچون دیدیکنه اینانہ میورم
مبالغہ لی سویلیورسک بلکه کندی ایلکک ایچوندر
و دیگر بر فقرہ سنده « بورایہ کلنجہ غبرده مرخصہ
بنی توصیه ایتدیلر ایدی بر نطق ایچون کندیسیلہ
کورشدیکم وقت بنی التفات ایدرک قبول ایلدی
اسکی ارمنی کلیساسی ایچون حرمتلہ سویلیدی
لکن برشی وعد ایتدی امین اولدینی ایچون
حقیقہ اسکی کلیسا ایچون چالشدیغمده رنہ قدر
دیدم ایسده مقصد من پروتستان دکدر محضا
اصل خرستیان یاقچ انجق بوسبب ایچون سیاحت
ایتدیکمہ بک چوق امین اولمدمدی و بکادہ بر مکتوب
یازدیکه اسکی ارمنی کلیساسی ایچون کلدیکزدیو
بوسبب ایچون اسکی ارمنی کلیساسی مرخصہ
واعضالردن بر توصیه نامه کوندرر ایسک ایی اولور
زیرا انسانلر انکلز پروتستان اسکی کلیساسی
چوق سومیورلر سومنکری ایچون انکلز انتقان
کلیسانک علیهنده بولنه مام مذکور کلیسا اسکی ارمنی
کلیساسی لهنده در و مذکور کلیسا زنکین
اولدیغندن بر قوی توصیه نامه اسکی کلیسا مرخصہ
واعضالردن زیادہ سیلہ الزمدر » دیگر بر فقرہ سنده

بعض تحقیقات و معلوماتی حاوی سیواس ولایتند
اول و آخر کشیده اولنان تلغرافنامه لوله خارجی
نظارت جلیله سندن یازیلان تذکره صورتلرینک
برای معلومات ارسال قلندیغی امر و اشعارندن عبارت
اوله رق ملفوفاتندن سیواس ولایت علیه سنک
۲۵ شباط سنه ۳۰۸ تاریخی تلغرافنامه سی صورتده
مرزیفون ارباب فسادندن طومه یان قره بت و قیایان
اوخانک بریجق سنه مقدم تنوسه تابع کره ک
قریه سنه کلدرک پروتستان ایله ارمیلر میانده کی
برودتک رفیله جله سنک آمانی استقلالت
نقطه سنه توحید و تسلیع و بر فساد قومیه
شعبه سنک تشکیلی حقنده اجرا ایش اولدقلری
تشویقاته کوپلری کزوب بین الاهالی بوفکری توسیع
ایتدکلرینی و بر مدت صکره لوندره قومیه سی
طرفندن مخصوصاً کلان زرار نام شخص ایله
بالذاکره بر قات ده افسادانه باشلادقلرینی
و مرزیفونده طبع اولنان هدیانه لوله یوزغاددن
کره که و اورادنده مواقع مختلفه یه ارسال و تعلیق
ایلدکلرینی مظنوناً تنوس قراستندن مرکز ولایت
جلب و توقیف اولنان اشخاصدن کره ک پروتستان
واعظی ماردیروس ایله سابق مکتب معلی و شمعی
تجارلق ایتدکه بولنان اغوب پهلو نام کسسه لراخبار
واقرار و مرزیفون قومیه سی طرفندن مخصوص
اوله رق اشقیالق صورته کشت و کداره و سرائر

فسادیه یی افشا ایدنلری قتل و اعدامه مأمور اولان
کرون قضا سندن طروس و قیصریه نک تلاس
قریه لی کلبنک و رفیقاری پانوس نام اشخاصدن
مرقوم طروس و کلبنک بوندن التی ماه مقدم
کورجی قیافتنده یوزغاد سنجاغنه تابع معدن قضاسی
پوسته سی اوره رق ایکی ضبطیه یی قتل و پوسته
اچمه سی اخذ و غضبه جرأت ایتدکلرینی و اوصره ده
حکیمک ایله تنوس کوپلرند کز مکده اولان و اولجه
معدن حکومتنه بعض اخبارات خفیه ده بولنش
اولان برارمنی یی سرائر فسادی افشا ایتدکلندن
ناشی قتل و تلف ایلدکلرینی افاده و اخبار ایش
اولدکلرینی و کرونلی طروسک دردست ایدلش
اولدیغی و ولایت مشار الیه دن فی ۱۲ مارت
سنه ۳۰۹ تاریخیله مقام سامی جناب صدارتپناه یی
مبعوث دیگر تلغرافنامه صورتنک محتویاتی دخی
دردست اولنان کرونلی طروس چند کون اول
مرکز ولایته جلب ایله استجواب ایدلده کده
مرزیفونده ارتین طومه یان واسطه سیله افراد
وضابطان عسکریه و ضبطیه یی و پوسته سورجیلرینی
و مأمورین حکومتی فرجه یاب اولدقلجه اورمق
اوزره مرزیفون اختلال قومیه سی طرفندن
کندوسنه اجرا مأموری نامی ویدینه بر تعلیات
ورقه سی و کره ک شعبه رئیسنه خطاباده بر قطعه
مکتوب و بر عدد روس تفنکی ایله الی فشنک

اعطا اولده رق اعزام اولندیغی و مکتوبی قریه
مذکوره شعبه رئیسنه تودیع ایدوب التی آی اول
تلاس قریه سندن کلبنک نام شقی ایله برلکده
معدن پوسته سی اوره رق ایکی ضبطیه یی قتل
و تقریباً اون یدی بیک غروش اچمه سی اخذ
و غضبه جرأت ایتدکلرینی کرک استنطاق دائره
سند و کرک نزد ولایتده اقرار ایش اولدیغی
بو ۲۴ مارت سنه ۳۰۹ تاریخی دیگر تلغرافنامه
صورتی دخی اما سیه ده بولنان موسیو نوپری
پروتستان مرزیفون مکتبی معلمارندن طومه یان
و قیایانک ارباب فساددن اولدقلرینه قناعت حاصل
ایدک مکتبدن قیدلرینی ترقرین ایتدیردیکنی بیان
ایلدیکنک مرزیفونده بولنان اما سیه متصرفیه
ولایت مدعی عمومیسنک اشعاریه عطقاً عرض
و اشعارینی و ۲۵ نیسان سنه ۳۰۹ تاریخی دیگر
جواب تلغرافنامه سی صورتی مندرجاتی دخی کره ک
پروتستان واعظی ماردیروسک طومه یان قره بتک
افساداتی تصدیق و تشبیهات واقعیه سی افاده ایش
اولدیغی کی هدیانه لوله یوزغاددن کره که و رودی
حقنده کندی یازوسیله بر مذکره دخی و یرمش
و کرونلی طروس اجرای مأموری تعیین و تسلیع ایدن
مرقوم قره بتک عم زاده سی طومه یان ارتین اولوب
پوارینه قومیه نک اجرا مأموری صفی ایله نفس
مرزیفونده مختفی بولندیغی و اوغلی واهانک بریجق

سنه اول آتیه فرار ایلدیکی و بونلردن طومه یان
قره بت تشبیهات فسادیه نک ترتیبات قلیه سی وارتینه
اجراآت سیفیه سی درعه ده ایدرک آمال اختلال
جویانه نک استحصالی امرنده هله ایکی سنه دنبرو
و نهایت درجه ده و عادتاً صورت علنیه ده چالشمش
اولدقلرینی مختوی اولوب خارجی نظارت جلیله
سنک ۲۰ نیسان ۳۰۹ تاریخی تذکره سی صورتده
دخی سیواس ولایتی داخلنده کائن کره که کی
پروتستان کلیسائی راهبی طرفندن اخیراً در سعادته
کوندلش اولان بر مکتوبه طومه یانک تخمیناً
برسنه اول کره ک ایله جوارنده بولنان قرا و قصباته
کیدرک بالجه ارمیلرک وقت مناسبه حاضر بولنق
اوزره تفنک و سلاح تدارک ایلری لزومی ارمی
جاعتلری رؤسانه تفهیم و بیان ایلدیکی و مؤخرأ
انکلترده بولنان انکلز وارمنی اختلال قومیه سی
مأمورلرندن برینک کنسی اقامتگاهنه کلدرک
مرزیفونه عودتنه قدر نزدنده کی پاکتی امانه
تودیع ایش ایسه ده مذکور پاکتک دروننده
قرق ایکی عدد هدیانه بولندیغی اکلاشلی
اوزرینه مأمور مرقومه اعاده ایلدیکی و بوهدیانه لوله
طومه یانک آدملری طرفندن تعلیق ایتدیرلش
اولسی محفل بولندیغی کوسترادیکی کی مرقوم
طومه یانک جرأتک در سعادته کی امریقا موسیونر
جعیتی وزنه داری موسیو پنک دخی قناعت کامله

حاصل ایشل اولدیغیڭ امریقا سفارتی مفسوبیندن
استخبار قلندیغی بیانی شامل سیواس ولایتک
۸ مایس سنه ۳۰۹ تاریخی تحریراتنده دخی
سیواسک اورتولو پیکار حمله سنده مقیم قصاب
نشان اوغلی قره بت یندن دردست اولنوب ترجمه
ایدیلان بر قطعه مکتوبک برج انطرائکیان امضالی
اولدیغی و بوده سیواس حبسخانه سنده موقوف
اولان خرپوتلی اوخانس اولوب مذکور برج
انطرائیک ساخته اسم ایدوکنک اکلاشلیمی
اوزرینه مرقوم اوخانس استجواب اولندقد
مذکور مکتوبک طومه یان ارینه خطاباً یازلدیغی
وطومه یان قره بتکده شرکت فسادیه رئیس
اولدیغی افاده ایتدیکنه و بوفاده نک انقرهجه
محاکمه سی دردست بولنان مرقوم طومه یان قره بت
حققنده کی اخبارات سائرینی وئید بولندیغنه متدائر
اولدیغی اکلاشلیم اواسی اوزرینه مرقومان
طومه یان قره بت و قیایان اوخانس کلامه بالابتدار
اشبو اوراق مخبره نک اولجده سویلدیکی وجهه
ایکی سند نبیره کندولرینی تجسس ایتکده بولنان
سیواس ضبطیه قوماندانی خسرو پاشانک علیهلرند
استحصال دلائل املیله ولایت مشار الیه یاه
وقوع بولان معروضاتیه تدارک ایتدیکی اخباراتک
نقلندن عبارت اولغله برابر نتایج متضمنه سی
اصولنه غیر موافق صورتده و محکمه خارجنده

شعبه سی تشکیل اولند یفک تحقیق واورالده هذیانامه لر تعلیق ایدلمسك قراوقصات مذکوره یه تلقینات فسادیده بولندقلرینه دلیل کوسترلمکده اولمسنه نه دیه جککری حقنده اولنان سؤاله جواباً دخی کندولرینک برهانه محضا حساب کورمک اوزره عزیمت وعودت ایلمش اولدقلرینی تصریحاً ویقیناً تعیین و بیان ایدوب اوغرا دقلری محللرده ظهوره کلان آثار فسادیده ایسه کندولرینک مدخولیتنه برکونا دلیل و اماره اولمدیغندن بوجکی استدلالانک عقلاً و قانوناً برکونا حکم و اعتباری اوله میه جغنی افاده و از بار ایلدیلر . اوراق مبسوطه ده اشعار اولندینی وجهه مستطقی حضورنده وقوع بولان اقرار و اخبارلری وجهه سیواس والیسی نزدنده دخی اخبار و اقرارده بولنوب بولندقلری پهلو اغوب و کرونلی طروس و واعظ مار دیروسدن لدی الاستفسار اولجه وقوع بولان جبر و تضییقندن خوفاً والیء مشارالیهک نزدنده دخی استنتظافاً مضبوط اولان افاده لری وجهه اقرار و اخبار کیفیتده بولندقلرینی تصدیق ایلمارله کندولرینه صحیحاً جبر و تضییق وقوع بولمش ایسه نه دن طولانی محکمه حضورنده بیان ایتدکلی وجهه والیء مشارالیهه دخی بیان حال و حقیقت ایتدکلی صورلدقه برکونا سبب درمیان ایده مامشلردر .

بونک اوزرینه دره ونک مناسرتیه دیگر بعض محللرده دردست ایدیلوب اوراق دعوی میاننده بولنان بعض اوراق مضره و اشیا واسلحه . نک صورت اخذ و ضبطه دائر اوراق مذکوره میاننده بولنان اوچ قطعه ضبط ورقه سی قرائت ایتدیرلده بولردن بریسی ۲۱ کانون ثانی سنه ۳۰۸ تاریخیه قیصریه سنجانی اداره مجلسی اعضاسندن مندیقان بدروس و قالدقیان کیورق وتلاس ضابطه مأموری قول وکیلی احمد مهرلرینی شامل اولوب متئنده قیصریه جه بر طاقم حرکات مفسد تکارانه تشبث و ابتدار ایلمش اولان دره ونک مناستری راهی طانیل و اغوب رشتو . نینک ساکن اولدقلری مذکور مناسترده اوراق مضره اولدینی استخبار اولنمیسی اوزرینه مرقوم رشتونینک راهب مرقومه یازدینی پوصله اوزرینه تاریخ مذکورده مذکور مناسترده تحریات لازمه اجرا سیله راهب مرقوم طرفندن اخفا اولنان محلدن برطولی وایکیسی خالی اوله رق اوچ قطعه فشنکک ایله شرکت فسادیه افرادندن اشجی پارسینخ اوغلی کلبنکک کوکس و دیز قیقلری قره طاغ فشنککریله مملو کرچی الیسه سی وبر عدد بککک وینجستر تفنکی وایکی روولور و مطبوع

برقطعه شرکت فسادیه نظامنامه سی وارمنیجه یازمه
برقطعه شرکت مذکور نك اساس قانوننامه سی
دینیلان ورقه وچن اوچوز سکر سنه سی ایلولنده
صرزیفونده متشکل فساد مجلس عمومیسند تنظیم
اولمش برقطعه مطبوع قرارنامه وخنچاقیان
غزته لری وصرزیفون شرکت فسادیه سی مهریله
مهور وارمنیجه عبارلی ایکی قطعه مکتوب وصرقوم
کلبنکک ترجمه حالی مین یازمه دفتر قاقلو برقطعه
ورقه ظهور ایتمکله جمله سنک برحواله وضع ایله
اخذ ضبط اولمش اولدیفنی ودیگری دخی
تاریخ مذکور ایله مورخ واشرافدن حافظ اغا
زاده شیخ ابراهیم وپیاده یوزباشیسی مظهر
وضابطه قول وکیلی خالص چاوش مهریله مهور
اوله ورق متنده ممالك دولت علیه دن برقطعه سی
اداره حکومتدن چیقاروب براداره مستقله تشکیل
ایتمک زعم باطلیله ابقاع اختلال واهالی مطیعیه یی
اغفال وافکار فاسده لرینه مامشات ایتمیان تبعه صادقه
علیهنده هر درلو مظالمی اجرا واستعمال ایتمک
اوزره تشکل ایدوب اوپولده حرکات مفسد
نکارانه تشبث واستدار ایلمش اولان جمعیت
فسادیه یه منسوب اولدیفنی وخانه سنده اوراق
مضره بولندیفنی خبر ویریلان قیصریه لی الاجه
جیان قره بتک بیوک اودونجی محله سنده ساکن

اولدیفنی اون سکر نومرولی خانه سنه تاریخ
مذکورده واریله ورق لدی التحریر شرکت فسادیه
افرادینک برقطعه اسامی دفتری ظهور ایدرک
برظرف درونه وضع وتمهیر ایله اخذ ضبط
ایلمش اولدیفنی اوچنجیسی دخی ۲۸ کانون ثانی
سنه ۳۰۸ تاریخله مورخ و محکمه تجارت رئیس
شعبان و دیون عمومیه مدیری عثمان واشرافدن
فیضی زاده نظیف و بکر افندیلر ایله یوز باشی
محمود وافکره قریه لی درویش و محمد اغا مهرلریله
مهور اوله ورق متنده ذکر اولتان جمعیت فسادیه یه
منسوب خانه سنده اشیا واوراق مضره اولدیفنی
استخبار اولتان افکره لی جوانیان ماردریوسک
افکره قریه سنده ساکن اولدیفنی یکر می ایکی
نومرولو خانه سی تحریر اوله ورق ارمنیجه یازیلی
برخریطه و متعدد خنچاقیان غزته لری ایله بر
فتوغراف و برقطعه شرکت دفتری ظهور ایدرک
اخذ ضبط اولدیفنی محرر بولمیشدر .

برمنوال محرر مذکور دره ونک مناسترندن
چیقارلمش اولان اوراق واشیادن برقطعه ارار
ونیان شرکت نظامنامه سی وخنچاقیان مطبعه سنده
نشر ایدلمش برقطعه رساله ایله خنچاقیان غزته لری
ورقی صنایعه دائر برقطعه دفتر و برقطعه مکتوب
و برقطعه نطق ورقه سی و برقطعه مملو وایکی قطعه

غیر مملو تذکر عثمانیه مرقوم رشتونی یه لدی
الارائه بولنردن تذکره عثمانیه لری لزومی حالده
استعمال ایتمک اوزره اچیق برقطعه مرور
تذکره سیله برابر که رکلی زیرارنام دیگر قالوست
طرفندن کندوسنه ویرلمش اولدیفنی و صنایعه
متدائر بولتان دفترله خنچاقیان غزته لری کندوسنک
بولندیفنی اقرارله خنچاق غزته سی واسطه
سیله نشر ایدلمش اولان دیگر برساله وارارونیان
شرکت نظامنامه سی و امضاسز برورقه مناسترده کی
اوراق و اشیا سی میاننده ظهور ایتمش ایسه ده
بولنر کندوسنک اولوب مناستر راهی طانیلک
ایدوکنی و راهب طانیل اوراق مذکوره کاملاً
رشتونینک اولوب کندوسنک اولدیفنی ازیار
ولدی الاستیضاح اوراق مذکوره یی دیگر
در دست ایدیلان اشیا ایله معاً راهب طانیلک
امریله برصدوق دروننده اوله ورق اخفا ایلمش
ایسه ده نه اولدیفنی وکیمک ایدوکی حقیقده معلومات
اولدیفنی متهملردن قیصر اوغلی عوادیس تذکار
ایلمش اولملریله اوراق مذکوره دخی تراجم
مصدقه لرله معاً مطالعه ایدلده مذکور نظامنامه
ورساله ایله خنچاقیان غزته لرینک افعال مدعایه یه
دائر افکار و مقالات مضره ایله مالی و مکتوبک
دخی امضا و تاریخدن عاری اوله ورق فدائیسر
تدارکی و تعلیمات کوندریله چکی یولناه رموزات

تشویقیه اختلالیه یی حاوی ورقه نطقیه دخی اهالی یی
اختلال و عصیان تشویق متضمن ترهات ایله مالامال
اولدیفنی کلاشیلوب تذکر عثمانیه دن بری مرقوم
اندون رشتونینک نامنه در سعادتن آلدیفنی تذکره
ایدوکی و دیگر ایکسینک دخی تنوس قضاسی
مجلس اداره سی مهریله مختوم اوله ورق غیر مملو
بولندیفنی کورلمیشدر .

مذکور وینجسترتفنیکی ایله کلبنکک اولدیفنی
مارالبیان ضبط نامه ده کورسیلان کورجی الیسه
سی رشتونی ایله مرقوم کلبنکک لدی الارائه هر
ایکیسیده کرک تفنک و کرک الیسه کندولرینک
اولدیفنی انکار ایتمارینه مبنی کیفیت راهب طانیل
ایله قیصر اوغلی عوادیسدن صورلدقده تفنکک
رشتونینک و کورجی الیسه سی کلبنکک اولدیفنی
بیان و مرقومانده انکارلرنده اصرار ایلدیلر .

مذکور دره ونک مناسترندن ظهور ایدن
اوراق میاننده کوریلان و «ارمنی محبسدن قورقز»
مقدمه سی ایله افعال مدعایه یه متعلق و حکومت
سنیه علیهنده بعض ترهات مستهجنه یی متضمن
اولدیفنی بالمطالعه اکلاشیلان ورقه منظومه راهب
طانیله ارائه ایله استفسار اولندقده اشبو ورقه یی
اشچی پاریسیخ اوغلی کلبنکک ازیاردن سوبیلرک
کندوسنک ده یازمش اولدیفنی وکلبنکک دخی

کندوسی شعر و انشایه مقتدر بر آدم اولیوب
راهب مرقومک سیات واقعه سنی کندوسنه
عطف ایتک ایستدیکنی تذکار ایلدیلر .

متهملردن یاغوب اوغلی پانوسک حین دردستنده
اوزرنده ظهور ایدوب اوراق دعوی میاننده
بولنش اولان کور سلیمان اوغلی شعبان بن محمد
نامه محرر برقطعه تذکره عثمانیه ایل برقطعه مرور
تذکره سی مرقومه لدی الارائه تذکره مذکوره
کندی اوزرندن چیمش و کندوسی اولجه
سویلدیکی وجهله برسرقت ماده سنندن طولانی
فراری بولمسنندن ناشی دردست اولنه مامسی
ایچون مذکور تذکره عثمانیه و مرور تذکره سنی
ساخته اوله رق استعمال ایلمش اولدیغنی افاده
ایلمشدر .

دیگر متهم کزیر طروس اوغلی میرجانک
ائتای دردستنده اوزرنده بولنوب اشیاء سائر
ایله محکمه یه تودیع قلنمش اولان برعدد قیاقلی
مارتین تفنکی مرقومه ارائه اولنه رق نه دیه جکی
صورلدقه مذکور تفنکک کندوسنک اولوب
آو ایچون استعمال ایدر اولدیغنی تذکار ایلدی .
قیصریه شرکت فسادیه سنه ادخال ایدلمش
اولان اشخاصک اسامیسی حاوی اولوب الاجه .

جیان قره بت طرفندن و افراد مرقومه دن دخولیه
وماهیة ناملریله النان مبالغه مقدار و کمیته محتوی
اولوب جواهر جیان روپن طرفندن املا ایدلمش
بولنان مارالبیان اسامی وقاصه دفترلری دخی
مرقومانه لدی الارائه کندولرینک یازمش
اولدقلری دفترلر ایدوکی تصدیق ایلملریله
مصدق ترجمه لری قرائت و مطالعه اولندقدده
اسامی دفتری نومرو ترتیبی اوزرینه سکسان درت
شخصک اسمنی حاوی اوله رق برنجی و ایکنجی
واوچنجی نومرورده کیروپی پاپاسیان ایله متهملردن
اغوب جی دلکیان و قره بت الاجه جیانک اسملری
مقید بولدیغنی کبی اونان اوغلی ماماسک دخی
سکرنجی نومرورده و طانیل قره پارسسیخیانک
اوننجی نومرورده و روپن جواهر جیانک یکرمنجی
نومرورده و پارسسیخ دوکمه جیانک یکرمنی ایکنجی
نومرورده و اوخانن ارزومانیانک یکرمنی یدنجی
نومرورده مقید بولندقلری کورلمش وقاصه دفترنده
دخی افراد مرقومه دن دخولیه و ماهیه ناملریله
النان مبالغه اسامی قید ایدلمکسزین یالکر
نومرو ترتیبی اوزرینه واردات خانه سنده بروجه
مفردات مقید اوله رق مصارفات ستوننده دخی
مرزیفون جمعیت فسادیه سنه کوندربیلان اعانه ایله
فشنک طولدیرمه مصارفی و چولاقیان اغوبه النان

روولور بهاسی وحک ایتدیریلان مهر ائمانی
ودیکر برقچ قلم مصارف فسادیه بدلاتی مرقم
بولندیقنی کورلمش ولدی الاستیضاح مصارفات
مذکوره دن متباقی اوله رق نزدنده قالمش اولان
مبانی تحقیقاتده حکومته تسلیم واعطا ایلمش
اولدیغنی مرقوم جواهر جیان روپن افاده
و متهملردن دوکمه جیان پارسسیخ دخی کندی
اسمنک یکرمنی ایکنجی نومرورده مقید بولنسی
کندوسنک رؤسا و مشوقین فساددن بولندیقنه
دلالت ایلجه جکی درمیان ایلمشلردر .

تلاس قریه سی جمعیت فسادیه سنک دخی
دردست ایدلمش اولان اسامی دفتری متهملردن
کرتیمان قارویه لدی الارائه کندوسنک املا ایتمش
اولدیغنی دفتر اولدیغنی تصدیق ایلمسلیله کذلک
ترجمه سی قرائت و مطالعه اولندقدده مرقوم قارو
دباغیان و کرونیان قره بت و یاغوب بیان پانوس
وسیموخیان ارتین ایله دیگر الی بش شخصک
اسامیسی حاوی اولدیغنی کورلمشدر .

متهملردن جوانیان ماردیروسک خانه سنده
بولنش اولان برقطعه دفترایله اوچ عدد خنچاقیان
غزته سی و برقطعه خریطه نک ترجمه لری و برقطعه
فطوغراف دخی مطالعه و تدقیق اولندقدده مذکور

دفترده اوتوز برشخصک ییلدیرم و پهلوان و عقرب
کبی مستعار ناملر ایله املا و اشخاص مرقومه دن
النان مبالغه مقدارلری قید و انبا ایدلمش
و اشخاص مرقومه دن بعضیسنک درت بلوک
اوزرینه بالتقسیم هر بلوکه بر اونباشی ایله التیشیر
یدیشیر نفر تفریق ایدلمش اولدیغنی و خنچاقیان
غزته لری محتویانسنک دخی دیگرلرینک عینی
بولندیقنی کورلمش ولدی الارائه و الاستفسار
مذکور دفتری کندوسنک اتخاذ و املا ایلمش
و خنچاقیان غزته لری و خریطه و فطوغراف ایله
برابر خانه سنده بولنه رق النش ایدوکنی
مرقوم جوانیان ماردیروس تصدیق واعتراف
ایلمشدر .

مرزیفونده و ارطانیان مهران و قزاروس
آدریان و اغوب دلونیان و ارتین قره کوزیان نام
اشخاصک یکدیگریله اولان مخبره لری حاوی
اولان یدی قطعه مکتوب و برقطعه پوصله دخی
مرقومه بالارائه کندولرینک اولدیغنی تصدیق
ایلدکن صکره تراجم مصدقه سی دخی قرائت
و مطالعه اولندقدده بولردن الی قطعه سی م و و .
و ارطانیان امضاسیله مرزیفونده قره کوزیان ارتینه
یازلمش اولوب ۱۳ حزیران سنه ۱۸۹۲ تاریخیه
مورخ اولان برقطعه سنک مندرجاتنده سزک یکرمنی

بش و یکریمی یدی تاریخلو مکتوبلریکزی وقتنده
الدم مافوف مکتوبلر شمدی به قدر محالربنه وصول
بولمش اولمیدر بزم سپارشلردن شمدی به قدر
اوج دانه در دردیجی بر بشنیدن هنوز معلوماتم
یوق کله لم قاعده سزجه کوندردلیکنه اوت تکرار
ایدرم هر وجهله ملاحظه سز خرکت ایدیورسکر
... دوشنیکز و بوله جقسکر ... الی اخره عباراتی
و ۲۸ مارت سنه ۱۸۹۲ تاریخلی مکتوبک بر
فقره سنده دخی سزک یکریمی اوج تاریخلیکزی
قره بت واسطه سیله الدیغمه بمنونم فقط یا ککش
اکلا تمش داخلی ایشلرک امضاسی حقنده فی الحقیقه
او افکار وار فقط شمدی ایچون دکل مقدمکی
ایچوندر شمدیکی اویله ایشلره چوقدن صوک
ویرلشدر ز . زه نک تعلیاتی اوزره حرکت
ایدیورز بو بایده مستریج اولیکر حکمنی اکلا به حق
قدر عقل و درایتز وار بو بری کوندریکز روین
جرنان بو کون استانبولدن بورایه کلدی ک .
ارسلانیانه تصادف ایدی طویدم نصل که اوده
یازدی (عبارت مهمه سی مرقم اوله رق دیگرلری
تعزیه و اخذ واعطایه و موالاته دائر اشعارات
عادییه حاوی کورلش و مکاتیب مذکور هک
برنجیسی اولان واغوبک دولتیان امضاسیله یه
مرزیفونده ارتین قره کوزیانه محرر ۲۸ کانون اول

بزمده اقتضامن وار ایدی هر نه ایسه بزم اوفق
خدمته قارشو سز دنده بزم برجامن وار بالطبع
قبول اولتور محلمز ایچون بر نسخه ح
وقتی وقتیه دوام ایتکه قبول ایدرسکر بونک
وجودی محلمز ایچون بیوک امید و تشویقاتدر
بونکله برابر یکی تشکیلات موجبجه نه بر رئیس
ونه بر اعضا وار مقدمکه چوزلشدر و یکی بر
تشکیله باشلانجه حق بونک نتیجه سنی صکره بیلدیورز
اکا کوره حرکت ایدرسکر اوسوز ویریلان
اوج نسخه لری دخی بو کره سز کوندردلی
کیسه که ویررسکر کرک التونلری و کرک نسخه لری
اسمنی زیرنده یازار یز الیدی کزی بزه همان
بیلدیرسکر و یکی کلان غز تلر دنده کوندرسکر
عباراتی و ذیلنده م . و . و ارطانیان امضاسیله
محرر اولان حاشیه ده دخی (فقرات سلامیه
تذیلاً مذکور اوج التون و اوج نسخه لر بوراده
سزک برادریکره تودیع اولمشدر سز کوندرمک
ایچون اندن الورسکر و بزه ده اشعار ایدرسکر)
عبارده سی محرر اولوب قزاروس آدریان امضاسیله
ینه مرقوم قره کوزیان آرتینه خطاباً محرر اولان
۱۷ کانون ثانی تاریخلو پوصله نک بر فقره سنده
دخی (بردانه سیله قرق دانه سنی کوندردی و دیگر
فقره سنده دخی (پاپاسیانه سویله اگر دوزیمی

صاعدی ایسه کوندرسین بو کون یارین چونکه
چورومده باری صاتم (کلاتی محرر بولمش
و مرقومون قره کوزیان ارتین واغوب و مهران
وقزاروس افادات سابقه لری تکرار و مکاتیب
مذکورده کوستریلان اوج لبرانک طومه یان
ارتینه ویرلشنه دائر بر اشارت اولوب بالعکس
کندوسنک برادری واسطه سیله کوندلش
و خنچاقیان غز تلرینک کندوسندن ایستلش
اولدیغه نه دیه جکی مرقوم قره کوزیان ارتیندن
صورلدقه سکوتی اختیار ایلمشدر .

کیرونی پاپاسیان طرفندن عموجه زاده سی پاپاسیان
مغردیجه یازلش ۲۸ اغستوس سنه ۱۲۹۰ و ۱۲ منه
تاریخی ایکی قطعه مکتوب دخی قرائت ایتدیرلکده
سپارش اولتان مارتین و سانتیل و قره طاغ و ایکنه لی
و ایکنه سز وینجستر و روس فشنکرینک ساقز
و اسرار و صوماق ایله معاً بر صندوق دروننده
کوندردلیکنه و دیگر بعض اخذ واعطایه دائر
اشعاراتی متضمن کورلش و پاپاسیان مغردیج دخی
مذکور مکتوبلر شرکت فسادیه نک تشکیلنه مبدأ
کوستریلان تاریخدن مقدم اوله رق اولجه ده
سویلدیکی وجهله صرف اخذ واعطاسنه متعلق
بولمش اولدیغنی درمیان ایلمشدر .
متهملردن واعظ مار دیروس خانه سنده ظهور

ایدوب درت یار اقدن عبارت و مار دیروس
 قالو سیدیان امضالی بر قطعه ورقه نك دخی ترجمه
 مصدقه سی قرائت ایتدیرلده کده امریقالی موسیونر
 فاعوله خطاباً یازلمش اولوب مندر جاتنده (بویاز
 کنج خرستیانلر شرکته تشکیل ایدوب بش
 هفته دنبرو انك نظام لرینی وضع ایتمکله مشغول
 و بوندن بویله انك اجرا آتیه باشلا یه رق بوقیش
 بوکنج خرستیانلر بلوکیله بلاد شیطانیه یه هجوم
 وقتوحات و ظفرله کیرو دونه رك حدود باشنده
 الایمزه ضم اوانه جق اییجه کنج لری مشاهده
 ایده جکلری امیدنده بولندیغی یولنده کی تعبیراتی
 شامل کورلمکله مندرجات ورقه مرقوم واعظ
 مار دیروسدن استیضاح اولندقدنه کرچه ترجمه سی
 قرائت ایدیریلان مکتوب طرفندن یازلمش
 و محله کوندرلکسزین خانه سنده ظهور ایتمش
 ایسه ده دروننده بحث اولنان شرکت اختلال
 و عصیان کی فساده متعلق بر شرکت اولیوب کنج
 خرستیانلرک صلاح حال لری ضمننده هر یرده امثالی
 بولنان روحانی بر شرکت ایدوکنی از بار و یلوك
 و هجوم والای تعبیرلرینك صلاح حاله و روحانیه
 وجه مناسبتی حقنده اولنان استفساره سکوتی
 اختیار ایلمشدر .

چولاقیان اغوبك حین در دستنده خانه سنده

ظهور ایتمش اولان بر عدد قره طاغ کاری رولور
 مرقوم اغوبه ارا نه ایله استفسار اولندقدنه مذکور
 طیانجه جواهر حیان وجی دلکیانندن الدینی طیانجه
 اولدیغنی اقرارله برابر اشبو سلاخی کندوسی
 بکچی اولدیغندن ایضای خدمتی ضمننده المش
 اولدیغنی تذکار ایلدی .

قیصریه شرکت فسادیه سی نامه حك ایتمش
 اولدیغنی پر نچدن معمول صابلی و کیر بر قطعه مهر دخی
 کورکچی عیسه یی اوغلی کیر کور ایله دوکمه حیان
 پارسینه لدی الارائه مرقوم پارسینه مذکور
 مهرک شرکت فسادیه ایچون حك ایتدیریلان
 مهر ایدوکنی تصدیق و کیرقور دخی اولجه
 سولدیکی اوزره مهر مذکورک نه ایچون اولدیغنی
 بیلیموب

مابعدی وار

(مطبعة عامر ده طبع اولمشدر)